

四庫全書

子部

欽定四庫全書

子部

唐開元占經卷三十五

詳校官中書 臣李采

靈臺郎 臣倪廷梅覆勘

總校官編修 臣王燕緒

校對官庶吉士 臣潘曾起

謄錄監生 臣薛振基

欽定四庫全書

唐開元占經卷三十四

唐瞿曇悉達撰

熒惑占五

熒惑犯南方七宿

熒惑犯東井一

黃帝占曰熒惑犯東井小有兵

案宋書天文志曰安帝義熙九年二月丙午熒

惑填星皆犯東井十三年三月索頭大衆緣河為寇高祖討之奔退其別帥跋嵩交戰大破之嵩殲焉復攻關

中八月
擒宏也

陳卓曰熒惑犯東井羣臣有以家事坐罪者

案宋書天文志曰魏高貴鄉公正元二年十二月戊午熒惑犯東井北轅西頭第一星甘露元年諸葛誕族滅宋孝武大明二年三月辛未熒惑入東井其年四月海陵王休茂為雍州刺史五年休茂反誅黃帝

占曰熒惑以春入東井有赦 文曜鉤曰熒惑入東井

失道行陽天下大旱有火災若內亂期不出三年 石

氏曰熒惑入東井兵起若旱其國亂有兵兵止無兵兵

起大臣當之

案宋書天文志曰晉成帝咸康元年八月戊戌熒惑入東井是年夏發衆列戍加王

備司馬以
胡賊也

熒惑入東井必先軍起役有令 熒惑角

氣行疾入東井十日相死三十日主終后命惡之黃

帝占曰熒惑入東井牛大疫兵器鉞大貴石氏曰熒

惑入東井中海水出水暴下甘氏曰熒惑入東井有

逃主又曰四百人貴一人巫咸曰熒惑入東井中國

有遁主熒惑入東井貴人不安其位一國大旱郝

萌曰熒惑入東井國失火

案漢書天文志曰景帝四年七月癸未火入東井行陰後

二年有粟氏事後未央東闕火災洪範天文星辰見占曰未央門火災

熒惑入東井太

白隨之糴貴道上多死人熒惑入東井先起兵者大

將戮死期六十日 熒惑逆行東井貴人死傷若失火

海中占曰熒惑入東井角動赤黑色大人當之以水

起兵其環繞之事必成其留二十日色赤黃大人增地

黑憂奪地 司馬彪天文志曰熒惑入東井口中大臣

有誅者 石氏曰熒惑正過東井中南出者天下有易

王業者 海中占曰熒惑過東井上二丈者軍將必當

去其兵歸必有病事 黃帝占曰熒惑去北戌至東井

千一星將軍有野死不葬者千二星中倖臣有市死者

北戍者北河也 春秋圖曰熒惑之東井有從白衣之
封為侯者 海中占曰熒惑在東井北戍去戍三丈當
復發千人以上去戍二丈復發萬人去戍一丈門開道無
行人若其留戍下六十日天下大赦 晉灼曰熒惑留
東井中三十日天下大水人主以身游水 熒惑西方
守東井興鬼去復還反之強國君忌之 海中占曰熒惑
入東井留三十日以上既去復還居之若環繞成勾已
者國君有憂若重有喪期九十日若一年 郝萌曰熒

惑出入留舍東井三十日不下必有破國死王 河圖
曰熒惑在西方若東方守東井有男喪 石氏曰熒惑
以十二月守東井且憂火 熒惑守東井名水有絕者
大魚死國大旱 熒惑守東井如炬火兵起 甘氏曰
熒惑守東井貴相戮 熒惑以五月守東井六十日江
海決溢水出 巫咸曰熒惑守東井間有逐王 郝萌
曰熒惑守東井為萬物不成久守之金錢易 熒惑守
東井南主后死守其西太子死守其北諸侯有死者

熒惑守日月之門國內亂以其日占國 熒惑守東井

大人憂

案宋書天文志曰晉元帝大興三年十月乙亥熒惑在東井永熙元年十二月元帝崩

陳卓曰熒惑守東井天下不安 郝萌曰熒惑守東井

天子為軍自守 熒惑守東井百川溢 黃帝占曰熒

惑入東井留守井中天子有火災 惑精符曰熒惑逆

行守東井成勾已天子坐之天下兵起守之二十日以

上相惡之四十日以上人主當之先起殃後起昌 甄

曜度曰熒惑入東井而守之二十日以上其國有大兵

起有大喪三十日不下有逃走相破軍殺將其國失地
不出期年遠二年 石氏曰熒惑入若守東井河決有
水令 熒惑入若守東井二十日以上宮中以火為敗
若內亂臣當之 郝萌曰熒惑入若守東井為土功事

熒惑犯乘守入東井中以日占臨其時者辱也留三
日以上占其大臣當之期三月若一年二年三年遠五
年 洛書曰熒惑守鉞兵大起臣謀主斧鉞用將相有

戮死者

案宋書天文志曰魏高貴鄉公甘露元年七月
乙卯熒惑犯井鉞三年諸葛誕夷滅晉陽秋曰

安帝隆安元年八月乙巳熒惑守井鉞二年八月以譙王尚之弟允之為振威將軍守蕪湖以備庾楷等由是內外騷動王恭慮禍難復密要殷仲堪桓玄同會京師玄等皆嚮違石顯仲堪在蕪湖朝廷震駭

石

氏曰熒惑犯守鉞大臣有誅斧鉞用有兵起一曰執法者誅不出其年 郝萌曰熒惑中犯乘守鉞斧鉞用為其國內亂兵起一曰執法者誅

熒惑犯輿鬼二

黃帝占曰熒惑犯輿鬼皇后憂失勢 帝覽嬉曰熒惑

犯輿鬼為國有憂大臣誅

案司馬彪天文志曰孝明永平十三年閏月丁亥火犯輿

鬼其十二月楚王英與顏忠等造作妖書謀反英自殺忠等皆伏誅

甘氏曰熒惑犯輿

鬼執法者戮

司馬天文志曰延禧七年八月庚戌熒惑犯鬼質星八年二月太僕南鄉侯左勝以

罪賜死弟中常侍上蔡侯綰等自殺宗親侍中比陽侯鄧康河南尹鄧萬等皆繫萬等死康等免官桂陽太守任胤等背散走皆棄市九年七月乙未熒惑行鬼中犯質星十一月太原太守劉瓚南陽太守成瑨皆坐殺無罪尚書郎孟璠坐受金漏言皆棄市永康元年十二月桓帝崩

荊州占曰熒惑犯輿

鬼忠臣戮死皆不出一年中 甘氏曰熒惑入輿鬼犯

積尸天下兵起大戰流血有沒軍死將

宋書天文志曰晉安帝義熙十

四年七月甲辰熒惑犯輿鬼占曰秦有兵十五年西虜寇長安雍州刺史朱齡石諸軍陷沒

三十日

不下國有大喪人民流亡死者大半期三年 黃帝占

曰熒惑入輿鬼有兵喪金玉用有大赦及留守之物貴

天下大疾疫其留二十日以上兵大起多戰死者為宗

廟神明事若民多疴疾若有女喪期十月

司馬天文志曰孝桓建和

元年八月壬寅熒惑犯輿鬼質和平元年十二月甲寅梁太后崩 宋書天文志曰晉成帝咸和九年三月己酉

熒惑入輿鬼占曰兵在西北有沒軍死將四月鎮西將軍郭權始以秦州歸從尋為石斌所滅徙其眾於青徐

春秋緯曰熒惑入輿鬼主以內亂淫泆 孝經章句

曰熒惑入輿鬼主坐之

司馬天文志曰孝質本初元年三月癸丑熒惑入輿鬼閏月一

日孝賢帝為梁冀鳩而崩

石氏曰熒惑入輿鬼中旬主后死七日

相死四月主死 熒惑入輿鬼斧鑕用其星視動頡頏

然是謂王府國家不安故則物不欲聚也皆以入日命

其國 巫咸曰熒惑入輿鬼將相有誅者

宋書天文志曰晉成帝咸

和九年三月己亥熒惑入輿鬼犯積尸四月鎮西將軍雍州刺史郭權始以秦州歸從守為石虎所滅從其衆

於青徐也

劉向洪範曰熒惑入輿鬼大賊在大人之側

宋書

天文志曰晉安帝元興元年七月戊寅熒惑在東井又犯輿鬼積尸二年桓玄篡位遷帝於潯陽

海

中占曰熒惑入輿鬼中央星可四五日大人當之 郝

萌曰熒惑入輿鬼為大人卒事以命終也 熒惑守柳

入輿鬼人相食 荊州占曰熒惑入輿鬼為亂臣在內

有屠城 陳卓曰熒惑入輿鬼有金錢令

宋天文志曰明帝泰始三

年六月熒惑犯輿鬼九月以皇后六宮衣服金釵雜物賜北征將士也有火災

齊伯曰熒惑

入鬼中大臣有誅兵大起白骨滿野

五行傳曰漢宣帝本始四年熒惑入

輿鬼天質後三年霍氏謀反之應也

郝萌曰熒惑留輿鬼臣下不明

南官候曰熒惑留輿鬼君臣疾病逆行失火女主用財

大奢過度 郝萌曰熒惑舍輿鬼中十餘日出輿鬼又

舍南河二十日三十日因南行國有小男喪正月初見者七月吉凶發正月七月孟長男坐之九月初見者三月吉凶發九月三月季少男坐之 熒惑舍輿鬼中央十餘日出輿鬼又舍北河二十日三十日北行邦有小女喪十月初見者四月吉凶發十月四月孟長女坐之十二月初見者六月吉凶發六月十二月季少女坐之 熒惑舍輿鬼中三十日至五十日天下有大喪十一月見五月應之他放此 熒惑舍輿鬼中央多霜露風

雨不時 熒惑舍輿鬼西北婦人多姓子而死者 舍
中央小兒多死 一曰萬民多病頭目痛舍東北長年多
死 一曰必有流水舍東南老人多死 齊伯曰熒惑出
入留舍輿鬼五十日不去國傷水邑空 黃帝占曰熒
惑守輿鬼女主病留十日諸侯王夫人當之留二十日
太子夫人當之東去病在孔竅不利南去在頭西去病
在手足北去病在陰 熒惑守輿鬼東南七日少年病
守十日老人病 熒惑守輿鬼中央大人憂 石氏曰

熒惑守輿鬼貴相戮 熒惑守輿鬼大人有祭祀之事

巫咸曰熒惑守輿鬼有兵兵罷多水災萬物五穀不

成 熒惑守輿鬼人君貴人憂鈇鉞用 郝萌曰熒惑

守輿鬼去復還居之大國君不吉 海中占曰熒惑守

輿鬼出其南水出其北旱

巫咸曰守北水守南旱

郝萌曰熒惑

守輿鬼執法吏有過罪者一曰主死民多疾喪棺木麻

布貴一曰牛馬貴 熒惑守輿鬼東北男子兵相殺守

東南萬民多死守西北為戎皆反逆叛兵軍守西南人

君惡之秦漢有反臣兵事以赦令解之 熒惑守輿鬼

在南有男喪在北有女喪 熒惑守輿鬼有土功事若

有德令 熒惑守輿鬼北七十日女子病守南七十日

男子疾 熒惑經歷輿鬼中東行還守西北角有逐王

來降其後匈奴大敗北地

班固天文志曰熒惑守輿鬼為火變有喪漢孝武六年熒

惑守輿鬼其歲高園有火災竇太后崩

荊州占曰熒惑守輿鬼東北星

棺木貴守東南星五穀貴守西南星金錢貴守西北星

鐵器魚鹽皆百倍 玉歷曰熒惑守輿鬼秦有疾病金

玉貴 石氏曰熒惑守輿鬼必大赦期六十日入鬼已
去復還守之大赦 熒惑出西方若東方出入輿鬼守
成勾已尊者失宗廟期六十日若百八十日 春秋緯
曰熒惑逆行守輿鬼成勾已王者惡之兵起財帛金錢
散將軍有戰死者若有火災期不出年 郝萌曰熒惑
入輿鬼去復還守之期不出三年中 熒惑入若守輿
鬼為多憂財空出亂臣在內若大臣謀有干鉞乘質者
君人憂金玉用民多疾從南入為男北入為女西入為

老東入為丁壯 河圖曰熒惑入輿鬼犯守之天下白
徒聚土功興 荊州占曰熒惑干犯守輿鬼隨所守物
王者發之不出七十日天下有大喪陽為人君陰為皇
后左為太子右為貴臣 荊州占曰熒惑經輿鬼中犯
乘積尸者兵在西北有沒軍死將久留守之天子有喪
其以十二月入守之下賤多死有土功事有德令

熒惑犯柳三

河圖曰熒惑犯柳當有謀臣不從王命 石氏曰熒惑

犯柳有木功事若名木見伐者 郝萌曰熒惑犯注色

赤三芒天下有亡王若死將 黃帝占曰熒惑入注大

人禦守 甄曜度曰熒惑入注而去之天下安大歸其

鄉有兵兵止萬民安樂貴人吉安其社稷以六月守注

百二十日其國人飢旱 巫咸曰熒惑入柳諸侯有慶

賀之事天下大樂 郝萌曰熒惑入柳國有觴客之事

一日五日宮中觴 南官候曰熒惑入柳麻貴在後年

又曰入注天下安 郝萌曰熒惑逆行柳失火 春秋

圖曰熒惑之柳天下憂四夷 郝萌曰熒惑入注留二

十日以上有負海之客 荊州占曰熒惑留柳供養者非

其人 郝萌曰熒惑以三月舍注下芒赤色怒左右倚

兩傍冬地大動民大恐兵大起三年乃止 春秋圖曰

熒惑出入留舍柳三十日不下天下有急令天子大憂

將有誅者其國之中必有敗土功事大起 郝萌曰熒

惑出入留舍柳將有訛言者其國必敗 黃帝占曰熒

惑守柳侯王不寧 文曜鉤曰熒惑六月守柳其國失

地人民以飢流亡 石氏曰熒惑守柳有兵逆臣在側

石氏曰熒惑守柳為反臣中外兵以赦令解之 熒

惑守柳天下旱多火災萬物五穀不成糴大貴 巫咸

曰熒惑守柳天下大旱羊貴 郝萌曰熒惑守注三十

日以上萬家邑拔千家邑擄退居之南北去之其邑不

可舉事用兵反受其殃 郝萌曰熒惑守注官有治官

之事民多疾疫一曰宮有大火 熒惑守柳南聖人在

南國 荊州占曰熒惑迫守柳宮門閉 陳卓曰熒惑

守注三十日其君憂 百二十占曰熒惑守柳讒臣亂
若有兵 黃帝占曰熒惑犯守柳有導主為非亂其國
事者若天子以飲食為害不安社稷

熒惑犯七星四

郝萌曰熒惑犯七星臣為亂 南官侯曰熒惑犯近七
星三日以上所近犯者誅 文曜鉤曰井味沉酒熒惑

入注侯星

宋均曰注
侯七星也

甘氏曰熒惑入七星必有君置

太子者 巫咸曰熒惑入七星必有觴客事 郝萌曰

熒惑留七星為天下大憂憂中央 聖洽符曰熒惑舍
七星人民趣舍安桑蠶寧其土 郝萌曰熒惑出入留
舍七星國失地天下大亂若臣下衣服失度 齊伯曰
熒惑出入留舍七星周國多男女喪失城有水天下決
江歲多土功大亂更為元年 郝萌曰熒惑逆行七星
地動若失火 石氏曰熒惑與七星合國君惡之 郝
萌曰熒惑與七星合光大人必有疾者 黃帝占曰熒
惑守七星有兵若獵車騎又曰社稷傾亡宮中生荆棘

又曰治宮室之事 黃帝占曰熒惑守七星四十日其

君憂 河圖曰熒惑守七星二陽同居其歲枯旱五穀

不成若守之百日三年不雨王者退火官伐之則災消

郗萌曰熒惑守七星為反臣中兵也 甄曜度曰熒

惑守七星民有憂萬物不成天下有水 石氏曰熒惑

守七星地動 巫咸曰熒惑守七星白魚貴 海中占

曰熒惑守七星人主有憂津橋不通 郗萌曰熒惑守

七星三旬以上大山天下有憂期一年 熒惑守七星

曝巫於市金鼓不行百鬼不饗 熒惑守七星為臣中

外兵以德令解謂赦令也 熒惑守七星為國有大徭民苦

南宮侯曰熒惑守天都民有憂大水為灾感精

符曰熒惑入七星若犯守之人主有憂大臣有誅必有

大客貴人有繫者若守五十日民多死不出其年人主

行急令 郝萌曰熒惑入若守七星有觴客之事 南

宮侯曰熒惑入若守七星大人有疾者若國有徭

熒惑犯張五

石氏曰熒惑入張大亂兵起六月干之國空 巫咸曰

熒惑入張國有觴客之事 郝萌曰熒惑入張貴人安

其社稷其歲男子小憂 熒惑出張中旱 陳卓曰熒

惑出張種大貴 郝萌曰熒惑逆行張地動若失火

陳卓曰熒惑逆行張功臣當之 石氏曰熒惑逆行乘

張大亂兵起 春秋圖曰熒惑之張天下霜 巫咸曰

熒惑之張三十日不下其君憂有兵起 石氏曰熒惑

與張星會所在之國不可舉事用兵必受其殃 河圖

曰熒惑居張絕糧道 郝萌曰熒惑留張臣下衣服失

度 黃帝占曰熒惑守張大將有千里驚大水五穀貴

一曰土功作役不時百姓怨謗 春秋緯曰殘陰則熒

惑守張 考異郵曰熒惑守張諸侯謀反 孝經章句

曰熒惑守張政不平民多訴訟黃葭貴雨澤不時谷水

不通歲為下 石氏曰熒惑守張天下必有歸兵一曰

鳳凰下以其守日占之知何國火主禮故也 熒惑守

張五穀貴大人不恤政事危急民飢有千里行者 郝

萌曰熒惑守張者為有臣中兵也 石氏曰熒惑守張

兵起女主用事宮中生荆棘 熒惑守張天下大飢國

倉空 巫咸曰守張國必有大客遠來者 甘氏曰熒

惑非其次守張當去不去其色大赤其國舉兵從留得

其次不為災殃 海中占曰熒惑守張功臣當有封者

郝萌曰熒惑守張天子有兵事 熒惑以六月守張

六十日歲穰熟其歲民有慶賜之事 熒惑守張國治

宗廟期二十日 熒惑守張為反臣中外兵以德令解

謂赦令也 南官候曰熒惑入張而守之天下大亂大
人憂兵大起若有急弓甲聚其地其將亡 海中占曰
熒惑犯張若守之天下有兵宮門當閉男子有急女子
不安五穀不成民大飢一曰火居張人絕糧 荊州占
曰熒惑犯若守張宮門當閉大將被甲兵

熒惑犯翼六

荊州占曰熒惑犯入翼車騎無極四海大兵民當何所
息萬民飢愁當何所食 石氏曰熒惑入翼四月楚主

死旬相死不死出走 郝萌曰熒惑入翼四海有急國

憂 陳卓曰熒惑入翼中將軍為亂 南官候曰熒惑

入翼魚鹽貴水蟲倍價 郝萌曰熒惑逆行翼不出其

年大軍起天下大憂 荊州占曰熒惑逆行翼邪臣亂

朝廷忠臣不可以進 熒惑逆行翼失火 郝萌曰熒

惑入翼留二十日以上大人有病一曰守三十日其君

憂 熒惑入翼留二十日以上國有白服之朝期百三

十日中若人有病若國大徭民苦以勞 南官候曰熒

惑留翼臣下淫佚逆行色赤失火一曰大亂臣亂朝廷
郝萌曰熒惑出入留舍翼使者有急事兵起不用於
外地逆行之不出九年必有軍起天下亡矣 甄曜度
曰熒惑守翼王者微弱臣不順命若大人有病天下有
憂 孝經章句曰熒惑守翼先水後旱布縷大貴人病
頭首雨澤不時 石氏曰熒惑守翼若大旱魚鹽五穀
貴萬物不成 熒惑守翼天下修兵 甘氏曰熒惑守
翼王者軟弱臣不從令忠心奉天則熒惑退 郝萌曰

熒惑守翼為反臣中外兵以德令解謂赦令也 陳卓
曰熒惑守翼川谷不通多盜賊人民相惡 玉歷曰熒
惑守翼有急事若大風 南官候曰熒惑守翼歲飢民
流千里有亡國穀貴蛇龍見 熒惑守翼佞臣亂政其
歲多風雨車騎聚天下大飢 熒惑以十月守翼五十
日甲兵卒車騎軍屯輕將行五十日而罷卒有功而錫
金者 百二十占曰熒惑守翼大旱色赤亂且至人民
流一曰有海國客獻神鳥也 感精符曰熒惑逆行守

翼邪臣為亂忠臣不立不出其年兵大起王者憂也
文曜鈞曰熒惑犯翼若守之天下大亂車騎無極大兵
起四海匈匈然於無命

熒惑犯軫七

春秋緯曰熒惑入軫中兵大起 石氏曰熒惑入軫中
四月楚主死八旬相死不死出走 甘氏曰熒惑入軫
有負海客 巫咸曰熒惑入軫中伺其出日而數之期
二十日皆為兵發伺始入處之率一日期十日軍罷

郝萌曰熒惑入軫大水田宅貴若車貴 陳卓曰熒惑入軫國有大喪若將軍死 南宮侯曰熒惑入軫兵益水旱為害人民擾動妖言無實國政數改士卒勞苦

石氏曰熒惑出軫南民多病出其北民多死 郝萌曰

熒惑出軫陰兵出軫陽乍西乍東遠去之游其國小憂去而復還其國大憂近期一年中期二年遠期三年

熒惑行軫左負海國有殃行軫右中國有殃 石氏曰

熒惑逆行軫失火 文曜鉤曰熒惑逆行至軫名曰逕

天其下之國當有敗者大將有憂士卒擾動人民苦役多有死者 郝萌曰熒惑守兩角間若至軫道絕不通出其南多病出北多死出其陰陰伐利戰勝取將出其陽陽伐利戰勝取將 河圖曰熒惑在軫不可為人客為人客者有殃罰當死 石氏曰熒惑與軫合而并光主必亡 巫咸曰熒惑守軫旱川枯不通國多火災萬物五穀不成 郝萌曰熒惑與軫關諸侯當有奪地者 黃帝占曰熒惑以十月守軫三十日車騎發其居軫中

也天下盡給軍事無得居家者 春秋圖曰熒惑守軫
繞環及已去復還守之成勾已天下兵潰起主命惡之
大臣欲謀其君大人有憂不出年 石氏曰熒惑守軫
青絳帛臬其物皆貴其國有兵之災 石氏曰熒惑守
軫有兵天子車駕凶若有病若大臣戮死 郝萌曰熒
惑守軫兵戰將有功期不出三年 熒惑守軫為反臣
中外兵以德令解謂赦令也一曰水 荊州占曰熒惑
守軫將軍大敗 河圖曰熒惑入軫若守之其國有喪

將軍為亂兵草大起人主惡之必有亡國期不出二年
王者以赦除咎則災消南官候曰熒惑干犯軫大臣
戮死

唐開元占經卷三十四

欽定四庫全書

唐開元占經卷三十五

唐瞿曇悉達撰

熒惑占六

熒惑犯石氏中官上

熒惑犯攝提一

洛書曰熒惑入攝提鉤已帝必亡 百二十占曰熒惑入攝提兵聚一國若大臣有誅人主憂期百八十日

巫咸曰熒惑入若犯攝提坐大臣成刑 石氏曰熒惑
出若入攝提大臣誅兵滿野 黃帝占曰熒惑與攝提
合相走去 郝萌曰熒惑守左攝提左拔兵作右攝提
右校兵作

熒惑犯大角二

郝萌曰熒惑舍大角東西必有立侯 海中占曰熒惑
守大角臣謀主者有兵起急人主憂王者誠慎左右期
不出百八十日遠一年 郝萌曰熒惑守大角有亡國

一曰守三日天下大哭 玄冥曰熒惑犯守大角臣謀
君子謀父天下兵起王者惡之若有大喪近期一年中
二年遠三年

熒惑犯梗河三

巫咸曰熒惑犯守梗河國有謀兵四夷兵起來侵中國
邊境有憂

熒惑犯招搖四

聖洽符曰熒惑犯招搖邊兵大起敵人為寇若守之敵

人敗若敵主死不出二年 荊州占曰熒惑入犯招搖
回紇兵起侵犯中國若防守之兵自退主其國有憂期
三年 又占曰熒惑入若守招搖旗幟起 又占曰熒
惑守歷招搖星者遠夷有內相殺者若邊將有不請於
上而誅夷狄者

熒惑犯玄戈五

春秋緯曰熒惑守玄戈之陽以左右占其方合則主居
媵宮天下有議女令橫行 石氏曰熒惑守玄戈亂於

邑 春秋緯曰熒惑逆行守玄戈以妾為妻 聖洽符
曰熒惑犯守玄戈邊兵大起敵人為患若守之敵人敗
若敵王死期不出二年

熒惑犯天槍六

巫咸曰熒惑守天槍邊夷兵起機槍大用防戍有憂若
誅邊臣期不出年 荊州占曰熒惑守天槍多梟民一
曰鈇鉞大用

熒惑犯天梧七

黃帝占曰熒惑犯天棓兵四起 巫咸曰熒惑犯天棓
邊夷兵起機槍大用防戍有憂若誅邊臣期不出年

熒惑犯女牀八

荊州占曰熒惑犯牀凶 又曰熒惑守女牀後宮姦謀
甘氏曰熒惑犯守女牀兵起宮中若妃后有暴誅者
期百八十日遠一年

熒惑犯七公九

石氏曰熒惑犯七公群臣有疑議 黃帝占曰熒惑守

七公為民飢君子安 石氏曰熒惑守七公有亂疾之事 石氏曰熒惑犯七公輔臣有議臣相疑若有誅者人主有憂 玄冥占曰熒惑犯守七公天下亂有兵起大臣當國有憂

熒惑犯貫索十

石氏曰熒惑入天牢中犯乘守者以獄為亂多不平 荊州占曰熒惑入天牢天下有賊 又占曰熒惑入天牢大水期一年一曰旱期一年一曰歲飢人相食 黃

帝占曰熒惑入天牢赦其守天牢二十日赦以丑未日
候之 荊州占曰熒惑舍貫索有國滅無後 又占曰
熒惑干貫索天下赦守二十日小赦三十日大赦 洛
書曰熒惑守天牢獄冤囚多 荊州占曰熒惑守天牢
名水有絕者若大魚死 又占曰熒惑守天牢十月大
赦遠期八十日 巫咸曰熒惑守貫索天下亂兵大起
多有獄事人有死者

熒惑犯天紀十一

石氏曰熒惑犯天紀天下國相攻 郝萌曰熒惑舍天
紀星西人相食東五穀不實北木菓實南天下州戰
巫咸曰熒惑守天紀天下國相繫 石氏曰熒惑守天
紀君不安有飢民 文曜鉤曰熒惑守天紀幸臣執權
有兵起王者有憂 甘氏曰熒惑犯守天紀天下亂山
崩地動人主不安有亡國期二年

熒惑犯織女十二

黃帝占曰熒惑入織女兵起十年乃解北方 又占曰

熒惑入織女人主政一家族之一曰政一國族之 郝
萌曰熒惑入東橋二十日兵起 玉歷曰熒惑入織女
天下有女喪產乳多死一曰絲綿布帛大貴 黃帝占
曰熒惑犯守織女天下有女憂有兵起急不出其年
海中占曰熒惑入犯守織女有大兵起十年乃罷若貴
女有憂

熒惑犯天市垣十三

黃帝占曰熒惑入天市成鈎已反環繞之天下惡期十

月 石氏曰熒惑入天市都邑有兵 甘氏曰熒惑入
天市幣亂人民憂一曰錢幣亂 海中占曰熒惑入天
市天子失廷期六月 郝萌曰熒惑入天市名曰受穀
糴大貴 又占曰熒惑入天市中為將凶一曰五官有
憂一曰赦 荊州占曰熒惑入天市之中大飢 玉歷
曰熒惑入天市中為將相凶有戮死者 石氏曰熒惑
入天市中而出市外死罪復生 郝萌曰熒惑出入天
旗大將斬 又占曰火居天市有金錢之徵 黃帝占

曰熒惑入若經天市市驚亂人民有憂 郝萌曰熒惑
當天市門而止糴貴再倍若入市門中糴五倍更入廷
而守之糴貴十倍人民大飢 又占曰熒惑居天市民
訟 石氏曰熒惑起角芒長色如雞血三十日舍天市
臣謀其主 黃帝占曰熒惑守天市天下兵起 劉向
洪範傳曰熒惑守天市必戮臣不忠者 郝萌曰熒惑
守天市垣若入之皆為辟亂若天下名市移及失火若
有暴買立市皆大臣坐之 玄冥占曰熒惑守天市垣

若人之皆為天下亂名人受誅人主憂期一年 郝萌
曰熒惑入若守天市必有大臣戮 郝萌曰熒惑入若
守天市皆為更幣一曰幣易

熒惑犯帝座十四

石氏曰熒惑犯帝座有逆亂事 玄冥占曰熒惑犯帝
座為臣謀主天下亂兵大起急不出年 石氏曰熒惑
犯天廷兵大起有自立主者若有徒王期百八十日若
一年

熒惑犯候星十五

聖洽符曰熒惑守候星天下飢兵革起國有憂期二年

海中占曰熒惑犯守候星陰陽不和五穀傷人大飢有兵起

熒惑犯宦者十六

甘氏曰熒惑犯守宦者左右輔臣有誅若戮死期不出
年

熒惑犯斗星十七

郝萌曰熒惑守市斗糴石五百守斗中糴石千 石氏

曰熒惑守斗斗斛之事倉吏不平

熒惑犯宗正十八

石氏曰熒惑犯守宗正左右羣臣多死若更政令人主有憂

熒惑犯宗人十九

石氏曰熒惑犯宗人親族貴人有憂若有死者一曰人親宗有離絕者

熒惑犯宗星二十

甘氏曰熒惑犯宗星宗室之臣有分離者 玄冥占曰
熒惑觸抵宗星宗中幸臣有誅者期二年

熒惑犯東西咸二十一

陳卓曰熒惑犯東西咸當去不去賊臣有謀不出一年
石氏曰熒惑守東西咸先樂後憂 又占曰熒惑守
咸星女主憂誅若貴女有戮死期二年 郝萌曰熒惑
守東西咸大戰 荊州占曰熒惑守東西咸憂兵 石
氏曰熒惑守犯東西咸者為有臣不從今有陰謀

熒惑犯天江二十二

石氏曰熒惑守天江必有立王一曰賊起水中

案韋昭洞記曰

漢靈帝中平三年熒惑守天江江夏兵過南陽反殺太守岑頡太尉張延克也

巫咸曰熒惑

犯守天江天下有水若入之大水齊城郭人民飢亡去

其鄉

案宋書天文志曰晉穆帝升平三年七月乙酉熒惑犯天江四年五月天下大水

熒惑犯建星二十三

聖洽符曰熒惑犯建星臣謀其主若大臣不親其君上

下相疑有兵起王者有憂

郝萌曰熒惑犯建星嬰兒

多死大臣相諧 黃帝占曰熒惑入建星人臣有走者

甘氏曰熒惑入建星津河水大若出關梁不通 郝

萌曰熒惑入建星人主謀兵罷出建星軍乃戰 石氏

曰熒惑入建星留二十日已上諸侯謀反期百二十日

甘氏曰熒惑舍建星有置主 郝萌曰熒惑舍建星

馬大貴 荊州占曰熒惑舍建星人民起蠶桑以作婦

各安其土天下大樂 黃帝占曰熒惑色青守建星北

天下有辱王西去天下有女主治者 又占曰熒惑守

建星三十日天下有水 石氏曰熒惑守建星三十日

色赤大旱赤地千里民流滿道星色青黑則有女君憂

郗萌曰熒惑守建星宰相坐之 又占曰熒惑守旗

附三十日兵起 又占曰熒惑守建星地氣泄貴人多

死 荊州占曰熒惑守建星歲水民飢有自賣者 玄

冥占曰熒惑守建星諸侯有謀若大臣有戮死者期百

八十日

熒惑犯天弁二十四

甘氏曰熒惑犯天弁若守之則囚徒起兵一曰五穀不成糴大貴人民飢

熒惑犯河鼓二十五

巫咸曰熒惑犯河鼓大將死犯左右將左右將死黃帝占曰熒惑守河鼓軍食絕文曜鈞曰熒惑守河鼓三十日大將出必有戰守左將左將憂守右將右將憂去疾軍罷疾去遲軍罷遲期不出年郝萌曰熒惑居河鼓中若守之日因數出入其間百日兵大起

熒惑犯離珠二十六

石氏曰熒惑犯離珠宮中有事若亂宮者若宮人有罪
黜者海中占曰熒惑犯離珠宮人有憂若兵起宮中
若有誅期二年黃帝占曰熒惑守離珠有憂行徐憂
甚行疾無故

熒惑犯匏瓜二十七

郝萌曰熒惑入匏瓜中人主攻一邑殘之星出匏瓜天
下有遊兵不戰甘氏曰熒惑守匏瓜二十日狗羣嘩

雞夜鳴天下盡驚若有兵期百八十日若一年 聖洽
符曰熒惑犯守匏瓜天下有憂若有遊兵名菓貴一曰
魚鹽貴價十倍不出期年

熒惑犯天津二十八

海中占曰熒惑犯天津關道絕不通有兵起若關吏有
憂 郝萌曰熒惑犯天津五日國相出走 又占曰熒
惑入漢中大亂大旱大殘以其所近舍四方中央死而
不葬易世立王 郝萌曰熒惑入漢中為將相貴人有

渡江事一曰貴人溺死 又占曰熒惑色青若蒼二十
日舍天津中必有亡海失江天下備道路脩橋梁 又
占曰熒惑赤芒而守天津三十日關梁不通不可以渡
人主有憂若諸侯兵起有亡國期一年遲二年 石氏
曰熒惑守天津兵船大貴 聖洽符曰熒惑入天津去
復還守之津道不通諸侯起兵天下亂期三年

熒惑犯螣蛇二十九

石氏曰熒惑犯螣蛇魚鹽貴 甘氏曰熒惑守螣蛇天

子前驅凶若姦臣有謀前驅為害 海中占曰熒惑入
守螭蛇天子憂前驅為害若因水為敗期不出年

熒惑犯王良三十

巫咸曰熒惑入王良人主墮墜以車為敗馬多死關道
不通 郝萌曰熒惑入王良車騎貴 又占曰熒惑入
天橋赦 又占曰熒惑舍王良地動 石氏曰熒惑三
十日舍王良將亡一曰將士皆亡車騎行 文曜鈞曰
熒惑守王良津橋不可渡并諸侯不通守之三十日大

兵起車騎行期二年 春秋緯曰熒惑守王良兵馬起
郝萌曰熒惑守王良天下大水道不通 郝萌曰熒
惑守天馬天子馬多死者 齊伯占曰熒惑守王良天
下有兵諸侯相攻強臣謀主期不出年

熒惑犯閣道三十一

巫咸曰熒惑守閣道閣道中有伏兵臣有謀主者若宮
中兵起期百八十日若一年 荊州占曰熒惑守閣道
中有伏兵人主當藏房戶或備女兵 石氏曰熒惑犯

守閣道而絕漢者為九州異政各主其王天下有兵期
二年

熒惑犯附路三十二

石氏曰熒惑守附路太僕有罪若有誅一曰馬多死道
無乘馬者

熒惑犯天大將軍三十三

郝萌曰熒惑入天大將軍興軍者吉 荊州占曰熒惑
舍天大將軍有陰謀 石氏曰熒惑守天大將軍軍吏

不安飢為敗 巫咸曰熒惑守天大將軍三十日天下
有兵大將出行期一年 荊州占曰熒惑守天大將軍
兵大起將軍行 石氏曰熒惑守犯天大將軍為大將
死若誅

熒惑犯大陵三十四

石氏曰熒惑入大陵國有大喪大臣誅若戮死者大半
皆不出年 荊州占曰熒惑入大陵女主宗室有誅者
又占曰熒惑入大陵天下盡喪死人如丘山 玉歷

曰熒惑入守大陵天子崩若幸臣有死者大人當之期
二年

熒惑犯天船三十五

巫咸曰熒惑入天船諸侯有自立者有兵起若關津不
通人主憂 郝萌曰熒惑守天船不出三年樓船大作
五穀大貴 玄冥占曰熒惑守天船天下有兵若有喪
守之三十日有亡國 聖洽符曰熒惑入守天船兵大
起舟楫用有亡國期不出年

熒惑犯卷舌三十六

郝萌曰熒惑入卷舌國有佞臣謀其君以口舌為害人
主有憂 石氏曰熒惑乘卷舌天下多喪 春秋緯曰
熒惑守卷舌天下多亂謀國君以口舌之害起寇 石
氏曰熒惑守卷舌有讒言亂主明口舌作 文曜鉤曰
熒惑入卷舌若守之天下大旱有兵起讒臣亂主其國
有憂期不出年

熒惑犯五車三十七

石氏曰熒惑犯五車大旱若有喪一曰犯庫星兵起西
北方若西方犯倉星穀貴若有水 黃帝占曰熒惑入
五車大旱一曰留不去大旱 海中占曰熒惑入五車
兵大起車騎行五穀不成天下民飢若軍絕糧 巫咸
曰熒惑入五車天下亂大兵起其國大旱人民飢亡若
有赦期百八十日 郗萌曰熒惑入五車大旱以所近
占四方中央 又占曰熒惑入五車赦必先軍起後有
令 又占曰熒惑以春入五車赦 韓楊曰熒惑出入

五車貴人溺死 郝萌曰熒惑至五車兵在外者有功
得地五百里 黃帝占曰熒惑過畢口直五車一月兵
連戰一歲留二月兵連戰二歲留三月兵連戰三歲若
其留土車兵在外有小功得地百五十里留水車當以
水為難 郝萌曰熒惑出五車東東西留二十日以上
卿死之去之復還其國君死之有大赦 又占曰熒惑
舍五車西南萬民多死 黃帝占曰熒惑守五車星五
穀大貴人相食 郝萌曰熒惑守五車必易帝王天下

有以車之名為官者大敗有車器之怪 又占曰熒惑
守五車格休留十日有大喪 又占曰熒惑守五車二
十日有喪以入日占何國 又占曰熒惑守五車格休
右軍大發一曰大赦 黃帝占曰熒惑入五車中犯乘
守天倉星下轉菽粟大貴 又占曰熒惑入五車中犯
乘守天倉星以食起兵 荊州占曰熒惑入五車中犯
乘守天庫星兵起亂十年

熒惑犯天關三十八

海中占曰熒惑出入天關左右必有置立關塞之事一
曰必有逆兵不順者 石氏曰熒惑守天關道路不通
多盜賊弟攻兄子攻父臣攻君 郝萌曰熒惑守天關
大臣有不道者 又占曰熒惑守天關二十日若四十
日天下大赦 又占曰熒惑守天關必有一國之王不
朝者車有急行 荊州占曰熒惑守天關為有兵關梁
不通 玄冥占曰熒惑守天關若以七月十月守之二
十日若三十日必有大赦期不出年 帝覽嬉曰熒惑

逆行守天關車騎有急行兵大起士卒滿野期九十日

雒書摘亡辟曰熒惑逆行守天關東方兵起 荊州

占曰熒惑入天關留止守焉不出百日天下兵悉起州

州戰 海中占曰熒惑守犯天關道絕天下相疑有關

梁之令 郝萌曰熒惑行不從天關不出其年有兵

熒惑犯南北河戍三十九

黃帝占曰熒惑行南河戍中若留止守南河戍為旱

石氏曰熒惑行南河戍中若留止者為四方兵起百姓

疾病 郗萌曰熒惑行南河戌中若留止守南河戌皆
為兵 又占曰熒惑經南河戌之南行法峻暴誅罰不
當經北河戌之北以女子金錢貪色奢侈失治道近期
三年中期六年遠期九年而災至 荊州占曰熒惑中
犯乘守南河戌天下兵盡起 黃帝占曰熒惑乘南河
戌若出南河為中國兵 又占曰熒惑舍南河戌二十
日若三十日國有男喪 海中占曰熒惑舍南闕下飢
黃帝占曰熒惑蝕南河戌西星有兵蝕南河戌東星

天下州戰 巫咸曰熒惑守南河戌之西星木菓不實
郝萌曰熒惑守南河戌間大國君重不吉子代 又
占曰熒惑守南河戌女主憂若多旱災 石氏曰熒惑
守南河蠻夷兵起邊戌有憂若有旱災人民飢 玉歷
曰熒惑守南河戌以火為害一曰邊寇入境 文曜鉤
曰熒惑逆行犯守南河有男主之喪若犯守北河有女
主之喪守二十日以吉成凶 荊州占曰熒惑中犯乘
守南戌天下兵盡起一曰家相擊一曰州戰一曰飢

郝萌曰熒惑入北河戌從西入六十日有喪從東入五十日有兵 荊州占曰熒惑入北河守戌西留止焉不出即天下兵悉起 荊州占曰熒惑入北河戌大臣有盜賊者 郝萌曰熒惑北至北戌去北戌三丈當復發千人以上去北戌二丈復萬人以上去北戌一丈城閉道無人行 又占曰熒惑守北河戌環繞之主哭厥主死 黃帝占曰熒惑入若舍北河戌天下有覆獄移擊一曰大臣誅 郝萌曰熒惑舍北河戌三十日有女喪

文曜鉤曰熒惑守北河邊兵大起來侵境若守之二
十日其國有憂 郝萌曰熒惑守北戌間大國女主重
不吉 又占曰熒惑失度守陰門若陽門皆為諸侯奸
荊州占曰熒惑守北河戌有兵兵罷無兵兵起一曰
水 玄冥占曰熒惑守北河三十日不下天下大水人
民飢期不出年若二年 郝萌曰熒惑出北河戌北若
守北河戌環繞之邊境將帥有不請於上而伐夷狄之
君者勝之 巫咸曰熒惑守若舍北河戌之西星人相

食蝕北戌之東星五穀無實 黃帝占曰熒惑留止守
北河戌不出百日天下兵悉起 又占曰熒惑守若蝕
北戌之東星有兵 郝萌曰熒惑守輿鬼逆行守北河
有女子喪 又占曰熒惑舍兩河中留二十日關河不
渡諸侯不通 黃帝占曰熒惑守南北河三十日諸川
皆溢 文曜鉤曰熒惑守兩河兵起天下困悲 司馬
遷天官書曰熒惑守南北河穀不登 郝萌曰熒惑守
兩河戌間百日天下中隔不通 荊州占曰熒惑守兩

河間天下垂離道路不通 石氏曰熒惑久守天闕門
主絕祀以入日占國 郝萌曰熒惑守天闕門中三十
日有大喪 又占曰熒惑守日月之門國內亂以其日
占國 又占曰熒惑入天高先軍起後有赦 又占曰
熒惑守衡星大國女主有憂 黃帝占曰熒惑入天高
中留二十日小赦三十日大赦 郝萌曰熒惑不行天
門天闕門為有喪 又占曰熒惑逆行天高中必有破
軍死將亡國去王

熒惑犯五諸侯四十

巫咸曰熒惑入五諸侯伺其出日而數之皆二十日兵發伺始入處之率一日期十日軍罷 文曜鉤曰主軟弱憤愚則熒惑守五諸侯 郝萌曰熒惑守五諸侯諸侯有奪地斬死者 石氏曰熒惑犯五諸侯若守之兵

大起將士出諸侯有憂若有兵死者期三年


案宋書天文志曰晉

太興三年十二月己亥熒惑居五諸侯南踟躕留止三十日永昌元年三月王敦攻京師六軍敗績于是殺周

顓刁協戴淵等

海中占曰熒惑犯五諸侯其國有兵車騎出

行若貴臣有殃若有死者 王歷曰熒惑逆行犯守五
諸侯秦國不以興兵先起亡後起昌 郝萌曰熒惑中
犯乘守五諸侯為所中犯乘守者誅若有殃期三年兵
發



唐開元占經卷三十五

欽定四庫全書

子部

唐開元占經卷三十六

詳校官中書_臣李采

靈臺郎_臣倪廷梅履勘

總校官編修_臣王燕緒

校對官庶吉士_臣潘曾起

謄錄監生_臣薛振基

欽定四庫全書

唐開元占經卷三十六

唐瞿曇悉達撰

熒惑占七

熒惑犯石氏中官下

熒惑犯積水四十一

巫咸曰熒惑入積水大臣誅 熒惑守積水有大名水

出出入定有水兵 甘氏曰熒惑守積水兵起國有水

災 荊州占曰熒惑入積水若守之大水兵起 巫咸
曰熒惑犯守積水水物不成魚鹽貴一曰以水為敗糴
大貴民飢期二年

熒惑犯積薪四十二

巫咸曰熒惑守積薪大旱江河易道若火事 石氏曰
熒惑守積薪大旱為火事庖官以火為憂 郝萌曰熒
惑守積薪多火災若火事旱兵起 甘氏曰熒惑犯守
積薪天下大旱五穀不登民飢亡

熒惑犯水位四十三

荊州占曰熒惑守水位下田不治 石氏曰熒惑犯守
水位天下以水為害津關不通一曰大水入城郭傷人
民皆不出二年

熒惑犯軒轅四十四

荊州占曰熒惑犯軒轅女御天子僕死 熒惑犯軒轅

所中以官名之皆成刑

黃帝曰成刑者憂喪

文曜鉤曰熒惑

入軒轅主以后妃黨之過亡一曰用事女當惑之又曰

曰有白衣兵期在百三十日中 荊州占曰熒惑入軒

轅中其端門中而東大臣出令 雒書曰熒惑犯若勾

已軒轅妃后內亂 文曜鉤曰熒惑展轉軒轅中遠后

愛媵 春秋緯曰專於妻妃則熒惑展轉軒轅中 黃

帝占曰熒惑行軒轅中犯女主女主失勢

失勢者
憂喪也

列大

夫有放逐者五官有不法者色悴為憂為疾其所中犯

乘守者誅若有罪 黃帝占曰熒惑中女御為女主當

之 石氏曰熒惑在軒轅中有女子謀人君者 郝萌

曰熒惑留軒轅率留一日為十日久以率推之其在軒轅四方中央各為其方 黃帝占曰熒惑守軒轅期五月兵起 元命包曰熒惑守軒轅貴妾爭 春秋緯曰熒惑守貴房側主亂於色 石氏曰熒惑守軒轅宮中有放者期百二十日內赦 海中占曰熒惑守軒轅十五日以上大兵起宮人不安天下亂國易政期三年

郝萌曰熒惑守軒轅女主惡之

宋天文志曰前廢帝永光元年九月丁酉熒惑

入軒轅在女主大星北明年昭太后崩也

熒惑守軒轅天下有慶賀事赦

類也

晉陽林曰孝武寧康元年七月乙未火犯軒轅大星二年正月癸未大赦天下

荊州占

曰熒惑守犯軒轅地動又曰御女有誅者 石氏曰熒

惑守軒轅守衛有誅者 河圖曰熒惑入軒轅中復還

守應以善事則已 文曜鉤曰熒惑逆行守軒轅大星

環繞之若成勾已天下大亂后妃當誅宮破主亡易其

王期百八十日遠一年 巫咸曰熒惑行犯守軒轅女

主失政若失勢一曰大臣當之若有黜者期二年 荆

州占熒惑犯乘守軒轅主命惡之 石氏曰熒惑入軒

轅中乘守之有逆賊若火災 熒惑中犯乘守軒轅太
民星大飢大流皇太后族有誅者若有罪中犯乘守少
民星小飢小流皇后之族有誅者若有罪

熒惑犯少微四十五

郝萌曰熒惑犯少微賢士有讓善者 石氏曰熒惑入
少微君當求賢佐不求賢佐則失威嚴奪勢矣 石氏
曰熒惑犯守少微名士有憂王者任用小人忠臣被害
有死者 黃帝占曰熒惑入犯乘守少微宰相易 熒

惑中犯乘守少微女主憂 石氏曰熒惑入中犯乘守
少微五官亂宰相有憂

熒惑犯太微四十六

郝萌曰熒惑犯太微天下不安

宋書天文志曰明帝泰始二年四月壬午熒惑

入太微犯右執法其年四方反叛內兵大出六師親戎
昭太后崩撫軍將軍殷孝祖為南賊所殺尚書右僕射蔡
興宗以熒惑犯右執法自解不許後失
淮北四州地彭城兗州並為虜所沒 帝覽嬉曰熒

惑行犯太微左右執法大臣有憂

宋書天文志曰晉成帝咸康四年五月戊

戌熒惑犯右執法五年七月庚申丞相王導薨 武帝
永初三年九月癸卯熒惑經太微犯右執法己未犯左

執法元嘉三年徐羨之及傅亮謝晦悉誅十六年九月
熒惑犯右執法明年大將軍義康出徙豫章誅其黨

晉陽秋曰太元十二年五月丙午熒惑出端門犯左執
法十三年正月丙午左將軍謝玄薨戊辰冠軍將軍桓

石虎

巫咸曰熒惑犯太微門右大將死門左小將死

晉陽秋曰孝武寧康元年九月癸巳火入太微掩西蕃
上將二年正月己酉北中郎將徐兗二州刺史刁彞薨

宋書天文志曰晉成帝咸康六年三月甲寅熒惑順

行犯上將星四月丁丑又犯右執法是時何充為執法
有譴命避其咎明年求為中書令建元二年庾冰死皆
大將執政之應也是歲正月征西將軍庾亮薨穆帝

升平四年八月丙辰熒惑犯太微西上將星五年正月
北中郎將郗曇薨宋前廢帝永光元年熒惑入太微

犯西上將星其年太宰江夏王義恭尚書令柳元景僕
射顏師伯等並誅太尉沈慶之薨廬陵王敬先南平王

敬猷南康侯敬淵並賜死

司馬彪天文志曰孝桓延

熹八年五月壬午熒惑入太微犯右執法九年九月辛

亥熒惑入太微西門積五十八日九年十一月太原守

劉瓚荊州刺史李隗等皆棄市永康元年十二月太傅

陳蕃大將軍竇武尚書令尹

勲黃門令山水等皆枉死

郝萌曰熒惑犯左右執

法左右執法者誅若有罪

陳卓曰熒惑犯太微東南

隕星天下大飢近期一年遠期五年

荊州占曰熒惑

道從太微西蕃北南方星間入到南蕃東方星間出道

中西蕃直出入者非道也 甘氏曰熒惑常以十月十

一月入太微天庭受制而出行列宿司無道之國罰無

道之君失禮之臣若犯左相左相誅犯右相右相誅守
宮三旬必有赦期六十日 玄冥占曰熒惑常以十月
丙子入太微宮七日受制而出行列宿司無道之國七
日以上成災如占 文曜鉤曰熒惑以戊子日順入太
微庭中受使於天子不為咎非其日災殃如占 郝萌
曰熒惑當太微門為受制當左執法為受事左執法當
右執法為受事右執法守太微門三日以下為受制三
日以上為兵為賊為亂飢 荊州占曰熒惑出東掖門

為相受命東南出德事也出西掖門為將受命西南出
刑事也期以春夏 黃帝占曰熒惑入天庭色白潤澤
為期百八十日有赦 帝覽嬉曰熒惑入太微而出端

門者臣不臣

司馬彪天文志曰孝桓永壽元年八月己巳熒惑入守太微二十一日出端門為亂

臣是時梁氏專政

聖洽符曰熒惑入太微天庭中央帝族相

攻伐天子憂若守端門臣謀弒君若留止門外大臣戮
死 熒惑入太微庭中天倉閉婦女不得食天下飢荒
郝萌曰熒惑入天庭在屏南出門扉左左將死出門

扉右右將死直出無為 合誠圖曰熒惑入華關門臣

殺之候也

熒惑入庭中臣多逆不軌

司馬天文志曰
孝靈光和五年

四月熒惑在太微中守屏占曰熒惑入太微為亂
臣是時中常侍趙忠張讓郭勝孫璋等並姦亂也

石

氏曰熒惑入太微中華東西門若左右掖門而南出端

門者為必有反臣 熒惑入太微西門出東門臣謀其

主人君不安欲求賢佐有入中華西門出中華東門為

臣出令有入太陰西門出太陰東門為天下大亂有喪

若水太 熒惑若入中華西門天子憂之若出中華東

門天下大亂兵大起期不出二年 甘氏曰熒惑出太

微天庭中有立王若徙王 郝萌曰熒惑出天庭中當

道而為勾已天庭天下更紀

宋天文志曰晉安帝義熙十四年十月癸巳熒惑入太微犯西蕃上將仍

順行至左掖門留二十日乃逆行元熙元年三月五日
出西蕃上將西三尺許又徙還入太微時填星在太微
繞填星成勾已其年四月二十七日丙戌從端門出占
曰熒惑填星勾已天庭天下更紀二年六月晉帝遜位
高祖入
宮也 郝萌曰熒惑入太微西門犯天庭出端門為

臣伐主入西門而折出右掖門為大臣假主之威而不
從主命 熒惑入西華門出端門為臣詐稱詔 熒惑

入太微端門出東門為貴者奪威勢 荊州占曰熒惑

出太微南門執法用大事出左掖門大臣誅

司馬彪天文志曰孝

安延光二年八月己亥熒惑出太微端門是時大將軍耿寶中常侍江京等譖太子乳母王男厨監邴吉等殺之徙其父母妻子日南也九月丁酉廢太子為濟陰王

荊州占曰熒惑入太微

宮為天下驚一曰有兵 熒惑入天庭國不安其宮

熒惑入太微庭中主命無期 熒惑入天庭君子惡之

又曰大臣死 熒惑入太微色白無芒天下大亂一曰

天下大飢 黃帝占曰熒惑東行入太微庭出東門天

下有急兵

宋書天文志曰安帝義熙十年五月癸卯熒惑順行入太微十二年林邑寇交州刺史杜慧

度距戰於九真大敗之

若守將相丞御史大臣有死者若入端門

守天庭大禍至入南門出東門國大旱若入南逆行出

西南門有大水逆行入東門出西門大國破亡若順入

西蕃而留不去楚國凶殃 巫咸曰熒惑逆行入太微

天庭中為大臣有誅若諸侯戮死期二年 石氏曰熒

惑逆行太微之中及出左右掖門者有逆謀天子有命

將征伐之事一曰大赦可以解其患 郝萌曰熒惑逆

行入左掖門為臣劫其主

宋書天文志曰晉安帝元興三年正月戊戌熒惑逆行犯

太微西垣占曰天子戰於野上相死是年二月丙辰殺桓玄等桓猶劫帝如江陵

荊州占曰

熒惑逆行入太微天庭中為諸侯將有殺上者至黃座

而成不至黃座而還有謀不成以其日入占國 熒惑

逆行天庭中不止有大獄 郝萌曰熒惑入太微宮中

至屏而留有兵在中 郝萌曰熒惑入天庭中留十日

以上赦 荊州占曰熒惑道南蕃入留止南門為大臣

有憂

司馬彪天文志曰光武中元二年八月丁巳火犯太微西南角星相去二寸太微西南星為將相後

太尉趙燾李

斯等免官

熒惑入太微若從右八七以上為人

主有憂

司馬彪天文志曰孝桓永康元年正月庚寅熒惑逆行入太微東門留百日出端門其年十二

月丁丑

桓帝崩

宋書天文志曰晉簡文咸安元年十

二月辛卯

熒惑逆行

入太微二年三月不退是時帝憂

桓玄之逼常懷憂慘十二月帝崩也

熒惑入天庭中二十日以上廷尉

坐之期六月

熒惑留太微庭中為天下大憂中央留

十日以上為天下有亡徒為兵者

黃帝占曰熒惑守

太微垣門外之左廷尉有事守門外之右丞相御史有

事熒惑守端門中二十日臣謀反主出走期不出百

二十日

宋書天文志曰晉海西公太和六年閏月熒惑守端門十一月桓玄廢帝

甘氏曰

熒惑守角亢反守太微臣有謀兵於天子者 春秋緯

曰熒惑守太微王者惡之 郝萌曰熒惑守太微諸侯

及三公謀其上鉞鑕用必有斬臣又曰女主不吉

宋書天文

志曰晉元康三年四月熒惑守太微六十日後賈后臨殺太子而趙王廢后又殺之斬張華裴頠遂篡位廢帝為太上皇天下從此構亂連禍也

玄冥占曰熒惑入太微無所犯守

順度而行出左右掖門所之野天子謀之 黃帝占曰

熒惑于太微留守三日以上為必有兵革天下赦 合

誠圖曰熒惑入太微陵犯留止後三年必有喪 荊州
占曰熒惑入太微天庭所犯乘守者若有罪各以守官
名之 熒惑食太微東西蕃四輔輔臣有誅者

熒惑犯黃帝座四十七

石氏曰熒惑犯黃帝座改政易王天下亂存亡半 甘
氏曰熒惑入中華門犯帝座天下亂賊臣害主破宮期
九十日 荊州占曰熒惑犯黃帝座大臣戮死 玉歷
曰熒惑入太陰西門犯黃帝座天子宮破國滅絕嗣不

出二年 甘氏曰熒惑中黃帝座臣殺其主 雒罪級

曰熒惑入黃帝座不吉強臣弑主 甘氏曰熒惑入黃

帝座大人戮死朝廷有哭 郝萌曰熒惑入天庭直出

期十日入蕃期二十日去出尺期十日有赦 荊州占

曰熒惑入帝座其色白者為有赦 熒惑入天庭至黃

帝座有赦 荊州占曰熒惑出黃帝座北諸侯徙天子

辱若中黃帝座為大人傷 甘氏曰熒惑近黃帝座大

臣謀為亂不成 熒惑觸黃帝座主亡 黃帝占曰熒

惑守黃帝座為大人憂

熒惑犯四帝四十八

王歷曰熒惑入太微犯四帝臣有謀若被誅 石氏曰

熒惑犯守四帝臣謀主去之一尺事不成 石氏曰熒

惑犯乘守四帝坐辟憂

辟君也

甘氏曰熒惑中犯乘守

四帝坐天下亡

熒惑犯屏星四十九

郝萌曰熒惑入太微宮中至屏而留為有兵在中

宋書天文

志曰宋明帝泰始二年正月甲午熒惑逆行在屏而南其年四方反叛內兵大出六卿親戎

甘氏

曰熒惑犯守屏星君臣失禮下謀上一曰大臣有戮死者石氏曰熒惑中犯乘守屏星為君臣失禮而輔臣有誅者若免罷去

熒惑犯郎位五十

甘氏曰熒惑犯守郎位輔臣有誅左右宿衛者為亂王者宜備之

熒惑犯郎將五十一

巫咸曰熒惑守郎將曰淩淩則將有誅若將有憂一曰大臣為亂戒慎左右 荊州占曰熒惑犯乘守郎將且有以符節為姦者 熒惑中犯乘守郎將必有不還之使

熒惑犯常陳五十二

甘氏曰熒惑犯守常陳守衛有謀兵起宮中天子自出行誅期百八十日遠一年

熒惑犯三台五十三

王厯曰熒惑入犯上台司命近臣有罪若有誅一曰近臣有逃去者以五色占黃白無故青黑憂死喪期一年
郝萌曰熒惑犯守上台宮中禁門燔太尉病天子惡之犯守中台司徒公族皇后忌犯守下台司空為庶人
皆期百七十二日 文曜鉤曰熒惑犯守中台司中姦臣有謀若有誅者中公當之 巫咸曰熒惑犯守下台司祿近臣有罪若出走色黑者死 黃帝占曰熒惑守三台三十日天下大亂兵起宮中大臣戮死若守三台

間尤甚急期百八十日 郝萌曰熒惑守三台三日以
上三公有戮死者 熒惑守三能之中央百二十日三
公皆謀害國 熒惑入天柱天下有慶賀之事 熒惑
居天柱兵起三年乃止 熒惑留繫天柱地大動兵大
起 春秋緯曰天下奮擊臣子相譖三公專恣則熒惑
流而觸能

熒惑犯相星五十四

石氏曰熒惑犯相星輔臣凶 熒惑守相星三十日大

臣為亂天下兵起人主有憂

熒惑犯太陽守五十五

石氏曰熒惑犯守太陽守執御臣憂內將軍有死者期九十日 甘氏曰熒惑犯守太陽守大臣戮死若有誅期不出年

熒惑犯天牢五十六

荊州占曰熒惑入天獄貴人多枉死者 石氏曰熒惑入天牢若守之二十日名人有繫者一曰若有赦期不

出百八十日 海中占曰熒惑犯守天牢王者以獄為蔽一曰貴臣多下獄若有叛臣篡獄殺君不出二年

熒惑犯文昌宮五十七

黃帝占曰熒惑入文昌宮庭中有兵天下有耗土空民飢 春秋緯曰熒惑入文昌庭守之二十日以上必有兵君不康 石氏曰熒惑入文昌天下大亂王者憂亡期一年 荊州占曰熒惑守文昌天下大亂不出其年 郝萌曰熒惑入司命近臣有抵罪者 熒惑三十日

舍司祿民大疾舍司命小童疾

熒惑犯北斗五十八

郝萌曰熒惑入北斗魁天下多獄廷尉坐之 熒惑入
守北斗貴人有繫者 甘氏曰熒惑守北斗天下大亂
諸侯皆起兵王者有憂 郝萌曰熒惑守北斗有移徙
民宮宅賤 玉厯曰熒惑守衡星有女喪若貴女有殃
有兵兵罷無兵兵起 雄圖三光占曰熒惑入北斗魁
中而守之十日天下大亂易其王天子死五都亡期二

年遠三年 春秋緯曰熒惑入北斗杓頭為政令猶豫
海中占曰熒惑抵北斗杓頭星女主政令猶豫若女
主用事期一年 齊伯曰熒惑舍北斗西人相食舍其
東五穀無實舍其南菓無實舍其北而之東天下大兵
戰 郝萌曰熒惑繫輔星有死相若夷之 巫咸曰熒
惑與北斗鬪有徙王移都邑宮室破壞人民去其鄉不
出年

熒惑犯紫微宮五十九

石氏曰熒惑入紫微宮中大臣有謀兵起宮中天下大
亂人民徬徨背棄其鄉逃走四方期不出二年遠三年
荊州占曰熒惑入紫微宮天下邑裂大夫多死者一
為天下有亡國天下無一人曰帝有亂臣一曰天下大
亂又曰從陰入有死王 帝覽嬉曰熒惑守紫微宮中
天下諸侯伐其主主以驕暴失帝位 巫咸曰熒惑守
紫微宮民莫處其家宅流移去其鄉 荊州占曰內亂

宋書天文志曰晉孝懷永嘉三年正月庚子熒惑犯紫
微占曰當有野死之王又為火燒宮是時太史令高堂

冲奏乘輿宜遷幸不然必
無洛陽後帝崩於平陽

熒惑犯北極鉤陳六十

黃帝占曰熒惑入紫宮犯北極中央大星為不道臣弑
其君子害其父賊臣破國天下大亂期不出九十日

春秋緯曰熒惑犯北極左星支為嗣 郝萌曰熒惑犯

北極中央大星帝有亂臣應以善事已 巫咸曰火入

北極天下亂兵大起聚於一國若出之疾兵還罷 荆

州占曰火入天樞國家有變一為天下之兵聚一國

雄圖三光占曰火入北極天子憂若犯抵之天子死
後宮亂不出三年 黃帝占曰火出天樞兵盛於四野
荊州占曰火舍天樞下三月芒赤色怒地大動民大
恐兵起不已三年乃止 甘氏曰火犯北極若守之大
臣謀主若耀刺北極為殺太子期百二十日 荊州占
曰火守天樞大人憂一曰天子女多死 郝萌曰火犯
太子星太子憂死犯庶子星庶子憂死一曰中犯北極星主
有大憂一為有大喪一為有反相 荊州占曰火守鉤

陳人主憂 黃帝曰火犯鉤陳後宮亂兵起宮中倖臣
謀主王者有憂

熒惑犯天一六十一

石氏曰火犯天一幸臣有謀有兵起人主憂 齊伯曰
火守天一臣弑其主餘殃為水災

熒惑犯太一六十二

石氏曰火犯守太一幸臣有謀有兵起人主憂

唐開元占經卷三十六

欽定四庫全書

唐開元占經卷三十七

唐 瞿曇悉達 撰

熒惑占八

熒惑犯石氏外官一

熒惑犯庫樓一

黃帝占曰熒惑犯天庫兵車出庫所指兵往也 石氏
曰熒惑入天庫有兵火守庫兵起亂十年 郝萌曰熒

惑入天庫騎官兵起期三年中一曰天下有驚若歲旱
又占曰癸惑赤色角三芒三十日舍天庫國有急五
諸侯悉發甲兵 玄冥曰癸惑守庫樓兵車大出守之
一月兵亂十年乃罷 海中占曰癸惑逆行守天庫兵
起未罷若順行乃罷以其遠近東西南北其日占之

癸惑犯南門二

郝萌曰癸惑天候也主發兵常舍於南門其出色赤白
而大東西南北非其常謀國兵起其入則兵入其所行

而留止兵隨而攻之 又占曰熒惑居處無常入時不得求之南門中 石氏曰熒惑若守南門兵車大起 又占曰熒惑入守南門天下戰其北也 又占曰熒惑犯南門邊夷兵起若道路不通

熒惑犯平星三

石氏曰熒惑守平星兵起且以亂亡 又占曰熒惑犯平星凶 甘氏曰熒惑守平星執政臣憂若有罪誅者期一年 又占曰熒惑守平星有獄出疑囚

熒惑犯騎官四

石氏曰熒惑入騎官若守之兵大起車騎用將軍出若騎士憂 郝萌曰熒惑守騎官不出二十日赦天下

甘氏曰熒惑守騎官有兵馬多發若多死

熒惑犯積卒五

石氏曰熒惑入積卒若守之兵大起士卒大行若多死 期二年 玄冥占曰熒惑犯守積卒主失位天下亂兵大起期百二十日 石氏曰熒惑犯守積卒主失位天

下山

熒惑犯龜星六

甘氏曰熒惑守龜星天下大水去之疾則旱萬物不成
人民飢 石氏曰熒惑守龜星兵起兵在外再守龜兵
罷 又占曰熒惑守龜星有白衣聚以八日占何國
海中占曰熒惑犯守龜星天下有水旱之災守陽則旱
守陰則水

熒惑犯傳說七

石氏曰熒惑犯守傳說王者簡宗廟廢五祀後宮凶一
曰有絕嗣君期不出二年

熒惑犯魚星八

石氏曰熒惑守魚星在其陽旱在其陰水 巫咸曰熒
惑守魚星火暴出天下旱五穀不成人民大飢期不出
年 甘氏曰熒惑犯守魚星之陽為大旱魚行人道之
陰為大水魚鹽貴

熒惑犯杵星九

玉歷曰熒惑守杵星國有急兵有賦米之事若有軍糧之急海中占曰熒惑入杵星若守之天下有急發米之事不出其年

熒惑犯鼈星十

郝萌曰熒惑入鼈星天下大水去則旱黃帝占曰熒惑守鼈星為有白衣之會巫咸曰熒惑守鼈星國有水旱之災守陽則旱守陰則水玄冥占曰熒惑入守鼈星王者有易水若大旱魚行人道

熒惑犯九坎十一

石氏曰熒惑守九坎天下旱名水不流五穀不成人民
大飢一曰之陽大旱之陰有水 甘氏曰熒惑守九坎
其國大旱若大火之變期百八十日 石氏曰熒惑犯
守九坎凶

熒惑犯敗曰十二

石氏曰熒惑守敗曰民不安其室憂失其釜甌若流移
去其鄉 又占曰熒惑守敗曰飢喪

熒惑犯羽林十三

荊州占曰熒惑入羽林之宮二十日天子當之 郝萌

曰熒惑經過羽林中天子為軍自守 荊州占曰熒惑

舍羽林之宮兵大起 黃帝占曰熒惑守羽林大赦

石氏曰熒惑守羽林馬有行期三十日 又占曰熒惑

芒角赤色守天軍三十日大國有急諸侯悉發兵甲一

曰興兵者亡 又占曰熒惑守羽林兵起期六十日火

經羽林臣欲弑主

宋書天文志曰晉孝武太元元年九月熒惑犯哭泣星入羽林占曰中軍

兵起三年六月熒惑入守羽林占曰禁兵起四年六月
兗州刺史謝安謝玄擊氏賊大破之餘燼皆走十四年
十二月熒惑入羽林十五年翟遼據司兗衆軍屢討
弗克鮮卑又跨略并冀安帝義熙四年十月戊子熒
惑入羽林五年高祖討鮮卑是後南北軍旅運轉不息
宋文帝元嘉十三年十二月戊子熒惑入羽林後三
年廢大將軍彭城王義康及其黨與犯所收掩皆羽林兵出也

聖洽符曰熒惑入羽

林守之二十日以上臣欲弑主大人當之期九十日

案

州占曰漢二年熒惑入羽林起角三芒
守之三十日國有負兵秦以之亡也

海中占曰熒

惑入守羽林有兵起若逆行變色成勾已天下大兵關

梁不通急不出其年 郗萌曰熒惑入守羽林有叛臣

中兵也 元命苞曰熒惑守羽林若壘城謀在司馬將

軍為亂 荊州占曰熒惑入天軍凶 又占曰熒惑入

天軍兵敗不可用國更殘也 郝萌曰熒惑犯守天陣

為兵起有破軍死將 甘氏曰熒惑入壘壁陣在司馬

內將軍為亂宮中兵起 郝萌曰熒惑入壘城有兵起

熒惑犯北落師門十四

石氏曰熒惑守北落師門為兵大起舍軍門兵起 玄

冥占曰熒惑入守北落師門兵大起將軍出境士卒大

行 石氏曰熒惑與北落師門相貫抵觸光芒相及有
兵大戰破軍殺將伏尸流血不可當也期百八十日若
一年

熒惑犯土司空十五

海中占曰熒惑守土司空其國以土起兵若有土功之
事天下旱 郗萌曰熒惑守土司空備大臣

熒惑犯天倉十六

黃帝占曰熒惑入天倉中主財寶出主憂臣在內天下

有兵而倉庫之戶開主人勝客客事不成期二十日中而發 石氏曰熒惑出入天倉天下穀聚一邦 郝萌曰熒惑近天倉天下大旱天下轉粟期其年中一曰期三年一曰千倉敗天下飢 春秋圖曰熒惑經天倉去而不守其歲惡糴大貴倉大出 石氏曰熒惑守天倉三十日有轉粟之事 黃帝占曰熒惑守天倉天下轉粟千里糴貴 海中占曰熒惑守天倉天下有兵若有出粟 郝萌曰熒惑守天倉已去復反天下大饑人相食不出五年 玄

冥昌熒惑逆行守天倉天下大饑人相食期二年遠三年

熒惑犯天囷十七

石氏曰熒惑入天囷天下兵起國倉儲積之物皆發出

一曰御物多有出者庫藏空虛期二年 郝萌曰熒惑

守天囷二十日粟出布於民歲大飢

案宋書天文志曰
晉孝武太元二十

年六月熒惑入天囷隆安九年王恭舉兵朝廷殺
之及王國寶王緒是後連歲水旱人民大飢也

五

厯曰熒惑守天囷兵起王者財寶皆出用庫藏中虛耗

人主不安其國有憂期百八十日遠一年

熒惑犯天廩十八

黃帝占曰熒惑守天廩有兵起天下粟聚於一國若有
運粟之事 甘氏曰熒惑入守天廩天下有兵歲大飢
倉粟散出不出其年 石氏曰熒惑犯守天廩天下亂
粟散出

熒惑犯天苑十九

巫咸曰熒惑入天苑天下以馬起兵若守之牛馬禽獸
多死 石氏曰熒惑入守天苑牛馬羊禽獸多疾疫若

守之二十日天下兵起馬多死其國憂

熒惑犯參旗二十

石氏曰熒惑入參旗邊縣兵起 石氏曰熒惑守天弓

天下亂兵大起人民驚恐其國憂若三十日守之必有
國亡 陳卓曰熒惑守參旗下謀上 郝萌曰熒惑守
參旗兵大起弓弩用士將出行一曰弓矢貴

熒惑犯玉井二十一

黃帝占曰熒惑入玉井為強國失地其出之強國得地

巫咸曰熒惑入玉井國有水憂若以水為敗水物不成期不出年 荊州占曰熒惑守玉井多大水有溺死者 齊伯五星占曰熒惑守玉井天下大水溝瀆溢流殺人民期百八十日

熒惑犯屏星二十二

郝萌曰熒惑留舍屏星三日民疾疫 石氏曰熒惑守屏星二十日臣謀主若貴臣有誅若戮死期一年 甘氏曰熒惑守天屏二十日國移 又占曰熒惑入守屏

星諸侯有謀若大臣戮死者

熒惑犯天廁二十三

黃帝占曰熒惑守天廁國移若易名 石氏曰熒惑守
廁中有賊兵 郝萌曰熒惑守天廁糴貴 又占曰熒
惑守廁矢矢圍之間有伏謀反貴人驚於圍廁 甄曜
度曰熒惑入守廁星天下大飢人相食死者大半期二
年 甘氏曰熒惑入守廁星有謀臣在廁中王者警備
之

熒惑犯天矢二十四

海中占曰熒惑守矢星天下旱五穀不成人民大飢多疾死期不出年 荊州占曰熒惑守矢星貴人有疾

熒惑犯軍市二十五

荊州占曰熒惑入守軍市兵大起將軍出若以飢兵起雄圖三光曰熒惑入軍市若守之軍大飢將離散士卒亡期不出年

熒惑犯野鷄二十六

甘氏曰熒惑入犯守野鷄其國凶必有死將軍營敗兵士散走

熒惑犯狼星二十七

春秋緯曰熒惑守狼弧諸侯相攻海中占曰熒惑守狼星四夷兵起來侵中國弓矢大貴王者有憂一曰夷將有死者郝萌曰熒惑守狼弧小有憂其成鈞已若環繞之大人憂期六月又占曰熒惑守狼弧狄自反其主郝萌曰熒惑守狼有小令出大水荆州占曰

熒惑守狼天下發兵一曰其國有兵 又占曰熒惑守
狼星狗大貴不即多死狼天狗也 石氏曰熒惑入守
狼野獸死 甘氏曰熒惑犯守狼星將軍出有千里之
行天下皆兵盜賊縱橫若有死將期二年

熒惑犯弧星二十八

巫咸曰熒惑守弧星兵大起將軍出行弓弩大貴國多
盜賊民不安期百八十日遠一年 郝萌曰熒惑守弧
星人民飢食茹粟穀大貴 又占曰熒惑以五月守弧

星六十日其邦有兵戰 荊州占曰熒惑守弧星貴人多
死若將當伐貴人 又占曰熒惑守弧星大將有千里之
行國政驚一曰車騎兵出

熒惑犯天稷二十九

海中占曰熒惑犯守天稷有旱災五穀不登歲大飢饉
一曰五穀散出

熒惑犯甘氏中官二

熒惑犯四輔一

荊州占曰熒惑犯四輔星君臣失禮輔臣有誅

熒惑犯五帝內座二

荊州占曰熒惑入紫微宮中犯五帝內座大臣弑主

熒惑犯造父三

郝萌曰熒惑入造父中車馬貴 又占曰熒惑舍造父

水大出 黃帝占曰熒惑守造父材官騎士出馬動兵

起

熒惑犯杵臼四

郝萌曰熒惑守杵曰星國有春米軍旅之事 又占曰

熒惑守天杵即大溝瀆多水

熒惑犯司命五

郝萌曰熒惑守司命多暴死者司命主百鬼與輿鬼同候

熒惑犯天雞六

郝萌曰熒惑舍天雞三十日旱又曰雞夜鳴天下盡驚

熒惑犯市樓七

郝萌曰熒惑犯市樓天下易弊 又占曰熒惑乘市樓

天下有所發期不出三年

熒惑犯日星八

郝萌曰熒惑犯日星為大戰

熒惑犯亢池九

郝萌曰熒惑犯亢池海大魚死

熒惑犯天田十

郝萌曰熒惑守天田五穀不成黍貴 荊州占曰熒惑

守天田旱 又占曰熒惑守天田人主犯禮有災

熒惑犯天門十一

荊州占曰熒惑入天門去復還關梁不通 又占曰熒惑舍天門進退前後凶兵大起熒惑守天門國絕祀各以其日占

熒惑犯平道十二

甘氏曰熒惑入守平道天下兵亂

熒惑犯進賢十三

宋書天文志曰宋孝武孝建元年十月乙丑熒惑犯進

賢星時吏部尚書謝莊表解職

熒惑犯酒旗十四

春秋文曜鉤曰飲食失度熒惑徘徊酒旗 荊州占曰
熒惑守酒旗天下大酺有酒肉財物賜若爵宗室

熒惑犯諸王十五

春秋緯曰熒惑入諸王星主以妃黨縱恣為天下所謀
又占曰熒惑入諸王星下不信上王者微

熒惑犯天高十六

郝萌曰熒惑入天高先軍起後有赦 荊州占曰熒惑
入天高有奇令又曰入天高中十日成鉤已有贖罪之
令 荊州占曰熒惑入天高留二十日小赦三十日大
赦 郝萌曰熒惑逆行天高中必有破軍死將亡國去
王 蓬萊占曰熒惑守左高反者不勝守右高反者勝
熒惑犯礪石十七

郝萌曰熒惑入礪石邊卒兵起 黃帝占曰熒惑舍礪
石二十日諸侯開庫發兵

熒惑犯積尸十八

甘氏曰熒惑守積尸大人當之

熒惑犯五潢十九

黃帝占曰熒惑入五潢為天下大亂易政一曰貴人死

郝萌曰熒惑舍五潢有兵車騎行 黃帝占曰熒惑

入五潢為運道不通兵起 郝萌曰熒惑舍五潢牛馬

多疾死腐爛道傍 巫咸曰熒惑入五潢中大亂大旱

大殘以其近占四方殃死而不葬易世立王 陳卓曰

熒惑守五潢賊起水中一曰有淫雨 黃帝占曰熒惑
中犯乘守五潢期二十日兵起

熒惑犯咸池二十

黃帝占曰熒惑入咸池中天下大旱 甘氏曰熒惑入
咸池因行其中不止是謂致兵諸侯兵起天下亂 甘
氏曰熒惑入咸池有兵喪天子且以大敗失忠臣若旱
一曰大水道不通貴人死以八日占國 郝萌曰熒惑
入咸池為有以迷惑人主者一曰地動山搖

熒惑犯天街二十一

郝萌曰熒惑舍天街中央大赦一曰當天街為諸侯自立為王一曰大水 熒惑留止若逆行天街中為兵草起 熒惑不從天街者為政令不行不出其年有兵文曜鉤曰熒惑守天街政塞姦出上下相疑四方隔絕無通時 郝萌曰熒惑犯天街國絕祀以入日占國石氏曰熒惑犯守天街及徘徊亂行主弱臣強道路隔絕天下不通

熒惑犯甘氏外官三

熒惑犯狗星一

郝萌曰熒惑舍狗星三十日旱又曰狗羣嗥天下人盡驚

熒惑犯狗國二

荊州占曰熒惑守狗國外夷為變

熒惑犯哭星三

晉陽秋曰孝武太元元年九月癸亥熒惑犯哭星二年八月征西大將軍桓豁薨十月尚書令王彪之薨

熒惑入八魁四

荊州占曰熒惑守八魁兵大起

熒惑犯鈇鎖五

荊州占曰熒惑犯鈇鎖五月以上臣有謀者 石氏曰

熒惑入鈇鎖若其星動挫鈇鎖用 郝萌曰熒惑犯乘
守鈇鎖為鈇鎖用將有憂

熒惑犯天庾六

郝萌曰熒惑入天庾中大旱粟貴發用

熒惑犯昴彗七

黃帝占曰熒惑入昴彗中主財寶出亂臣在內

熒惑犯九州殊口八

荊州占曰熒惑守九州殊口九州兵起

熒惑犯天節九

荊州占曰熒惑守天節持節臣有姦謀若使臣死

熒惑犯九游十

石氏曰熒惑守九游日食星墜天下大亂若入九游兵起

熒惑犯軍井十一

荊州占曰熒惑入軍井三日以上其歲大水

熒惑犯水府十二

荊州占曰熒惑入水府有謀臣一曰逆行水府天下大水
郝萌曰熒惑守水府天下洪水

熒惑犯天狗十三

荊州占曰熒惑入天狗兵謀北夷大飢來歸鄰國多土
功若守之為兵謀

熒惑犯天廟十四

黃帝曰熒惑入天廟若守為廟有事一曰為凶憂
荆
州占曰熒惑入天廟有廟殘之事吏不去則死

熒惑犯巫咸中外官四

熒惑犯長垣一

郝萌曰熒惑入長垣敵人入中國出長垣則出
玉歷
曰熒惑入長垣若守之匈奴入漢國敵人四夷若皆出
期一年

熒惑犯土司空二

荊州占曰熒惑守土司空有兵又曰守土司空有土
徭之事

熒惑犯鍵閉三

郝萌曰熒惑犯乘鍵閉星大臣有謀天子不尊事天者
致火災於宗廟王者不宜出宮下殿有匿兵於宗廟中
者 宋書云晉穆帝升平三年正月壬辰熒惑犯鍵閉
占曰人主憂五年正月穆帝崩

熒惑犯天柱四

荊州占曰熒惑守天柱兵鼓起

熒惑犯天淵五


荊州占曰熒惑入天淵大旱山焦枯若守之海水出江河決溢若海魚出

熒惑犯鈇鑕六

黃帝占曰熒惑入鈇鑕為大臣誅 推度覽曰大臣戮亡熒惑環鈇鑕 荊州占曰火犯鈇鑕兵起

熒惑犯天廐七

荊州占曰熒惑入天廐十日以上廐馬有食變 石氏
曰熒惑出入天廐天下廐有憂長吏敗若干天廐兵起
黃帝占曰守天廐為廐災之事人主以馬為憂不即
馬疾 郝萌曰熒惑守天廐三十日騎馬出



唐開元占經卷三十七